

www.BibleForChildren.org

San Mateo 26



Ujsani rawé
kachi bajchabé
ta'chó sébachi
alué piesta, Esusi
uchéchigo simile alé
Betania napu bejtégame
nile alué Lasro, alué napu
Esusi ku ajánalige napu'lige
mukúlige alué Lasro.

'Lige María ba'wí a'pale
nasípasi litro neraga 'we semá
júkame ba'wí. Alué ba'wí 'we
najteme nile. 'Lige Esusi ronólachi
ro'ele, 'lige bo'né gupálate wakele.
Bochígimi pachá galírale 'we semá juka ilíbale.



A' lígerikáchi alué Jurasi Iskariote, bilé alué makué oká Esusi 'yuga járome, simile alué e'wélala balé 'yuga ra'ichamia, regá anemia: —Ne 'la nejkúrimala Esusi cha'piá.

Napu'lige akisá alué e'wélala balé 'we a'lá nerale 'lige 'we ra'sálále, 'lige regá anile:

—Ramué najtétiwa mué 'la

nejkúrisaká Esusi cha'piachi. Alésíko

alué Jurasi Iskariote

chojkile 'nata

chiéniko

kochiena 'la

ko Esusi

cha'piá.




'Lige alué Esusi 'yuga járome
simíbale alé we'ká riógichi
napurigá nulélige Esusi, 'lige newale
go'ame a'lige rukó go'yame.
Napu'lige go'yá mochiga go'ame,
Esúsika 'wile bilé baní, alué baní napu
tabilé ro'igá newárigime nile kawali,
'lige cheliera 'yale Onorúgame, 'lige
'ma cheliera 'yasa Onorúgame,
'lige chi'wánale,
'lige 'yale alué
bo'né 'yuga
járome 'lige regá
anele: —Go'sí, yeka
ne sa'pala ju.




'Lige 'wile alué baso i'wilí ba'wila
ro'ágame napu rekútame ju, 'lige
'ma cheliera 'yasa Onorúgame,
'yale alué bo'né 'yuga járome regá
anigá: —Bajisi o'maka. Ye pachágana
manígime ne elalá ju, alué elá napu
ma'chínimili ju ne me'liachi, 'lige ne
mukugá wa'lú gu'írimili ju ne 'emi
ralámuli, 'liko Onorúgame
'la e'kámala.
Regá gatele
Onorúgame.



Alésíko alué Esusi Simoni 'yuga ra'íchale regá:
—Mué Simoni, alué Remónisika tala resí olániliga
'emi, wejpisóniliga napurigá ri'ligó wejpimókime
napurigá a'rémala 'emi oyeria ne nila ra'íchali
rejcholi. Neka 'wéchigo tánigo Onorúgame napurigá
tase siné a'rémala mué bijchigia 'la gu'írilime ko mué
Onorúgamete napu'lige
'ma chajkena
o'tosuga mué alué
Remónisite.



Napu'lige 'ma ku uchéchigo ku oyérasa mué ne'chí,
'lige gu'íriwa mué gompaniérola ruigá wa'lú a'walí
nígame ko Onorúgame. 'Lige Pégroka anele: —Mué
Wa'lula, neka aba'lá simé olá mué 'yuga rekó galírale
bajchalíe, rekó me'liruge. 'Liko Esúsika nejele regá
anegá: —Pegro, be'lí be'á napu'lige ta'chó sinachi
o'tolí, baisá 'yegámala
mué ta machióríká
ne'chí.



'Lige Esusi simile alué bo'né
'yuga járome si, 'lige
sé bale alé bilena
Jetsemaní rewégichi
we'ká rojégichi olibo
anilime rojá. 'Lige alé
alué Esusi regá anele alué
bo'né 'yuga járome:
—Jena mochisi buigá,
pe'wera simé ne Onorúgame
tánimia iwérali alé 'minami
simigá.



Regá anile Esusi: —Mué
ne O'nola («Abba» anile
bo'né ra'ichálila.), mueka
wa'lú a'walí nígame ju,
neka tabilé najkí
napurigá ralámuli resí
olámala ne'chí. Mué
najkisáká, abirigá resí
ikiméleké ne —anile.



'Lige alué rió Jurásika simile najátasia Esusi we'ká
sontalo 'yuga, alué gobierno romano sontálola, 'lige
jaré sontalo 'yúgachigó, alué wa'lú re'obachi
tebume. Júlale alué e'wélala balé 'lige alué
bariseo. E'wele siparínaga 'yénele
alué sontalo. Lámpara aseite
ro'érigame o'ká e'yénele 'lige
chojpé rajigáchigó. 'Lige
bilé alué Esusi nila nóchalichi
nulame rejpúnale najkala
wajtonáilígame alué rió wa'lula
balé 'yuga nóchame. 'Lige
Esúsika anele: —iTase che
olawa, a'rewa 'emi! 'Liko Esusi
ku na'chúchale alué rió najkala.



'Lige alésíko cha' píliro alué Esusi 'lige o' tóliro alé
wa'lula balé bejtélachi. 'Lige alué Pégroka najátasia
enale pe mejkabeka. 'Lige alé ra'pichí nasipa
na'yasa mochíbale alué
saíla, alemi mochíbale
sujkáliga, Pegro abiena
alemi asíbalechigó.



Alé ilile bilé rió alué
wa'lula balé piónila,
alué rió rijimala napu
Pegro najkala rejpúnale.
'Lige regá rukéleru Pegro
alué riote: —¿Tacha eté ne
mué alé napu we'ká ja rojá
olibó Esusi 'yuga eyénachi mué?
'Lige uchéchigo siné anile Pegro
tabilé alué rió ko. A'lígerikáchi
bilé o'tolí sinale. 'Liko alué Pegro
ma'chínale alé 'minami, 'we chálagá nalale.



Alésíko suwábaga alué e'wélala
jásele 'lige o'tole Esusi alé napu
asale alué selígame Pilato anilime,
napu nóchali 'yárigame nile alué
romano e'wélalate
napurigá alé Jurea
nulámala. 'Liko rukele
alué selígame Pilato:
—¿Mué ju wa'lula rey
ralámuli jurío nuleme?


Esúsika regá nejele: —Ju, ne ju.



Pilato tabilé bajchánile galírale alué
Esusi, alekeri uchéchigo siné ruwile
pe yati ku elimio napurigá 'minami
simela, 'lige alué ralámulika abéchigo
a'wágame ne'ole 'liko
regá anigá: —iGulusichi
ujchawa! iGulusichi
ujchawa!



A'lige Pilato lisensia nejile napurigá
me'liboa Esusi bilé gulusichi ujchugá.
A'lige sontalo 'ma o'tole Esusi. Esusi
bo'né o'tole alué gulusí majtoga,
'lige sébale bilena rabó Anayáwali
Mo'ola anilichi. Alué ralámuli jurío
Gólgota aneme nile.




Alé wijchí rekagá klabo jáwale sekachí
'lige ronólachi, 'lige o'weti elale alué
gulusí. Abiena uché jaré oká rió
ujchálechigó uché jaré
gulusichi alé
a'bé napu
ujcháliru
Esusi,
'lige Esusi
alé nasipa
ujcháliru alué
oká rió uchúkichi.



Napu'lige chóniga ilibasa, alué chiní alé wa'lú
re'obachi Onorúgame galíachi chujkúgame
nasípagana chi'wale. 'Lige Esusi a'wágame ra'íchaga
regá anele Onorúgame:

—Mué O'nó, 'ma ku
o'tobógó ne alawala,
'lige 'we 'la repúpua.
Alarigá anisá,
'ma mukule.



Asale bilé rió José rewégame,
Arimatea bejtégame we'ká
riógachi. Alué rió 'lige
uché jaré ralámuli
e'wélala, alué ralámuli
jurío nuleme nile.
Alué rioka 'we a'lá
najkílige
napurigá yati
sebámala raweli

napurigá nulame nímla
Onorúgame ralámuli
alawálachi. 'Lige alemi
ilile alué José etea
me'liachi Esusi.



'Lige 'ma amulí chónachi rapakónala
resíbilichi rawé, alué José simile
napu Pilato asale lisensia
tánimia o'tomea alué Esusi
gatemia, napugiti
chonásaká 'ma
resíbilichi níligame.

'lige Joseka yati
ralale bilé chiní
rojsákame,

'lige re'kabusa alué
Esusi gulusichi
ujchárigame, alué
chinite kabisa, ...



... o'tole gatemia 'mi alé
ewarárigichi wejtosá rejtechi
pachami, yóchika u'tá nile
'lige pachaka we'lé nile,
'lige 'yérale alé yochi
bilé wa'lú
chijtúligame
rejtete 'we
bejtégame.



Melénala rawé sawalachi, napu'lige
resíbame nile alué ralámuli jurío,
alué e'wélala balé 'lige
bariseo, simíbale alué
Pilato 'yuga ra'ichamia.



Regá anele: —Mué Wa'lula,
néláruke' é alué rió
'yégame napu aniá anié:
«A'kinana bakiá rawé
kachi ku ajánamala ne.»
Alarigá anime kéturu
napu'lige bijí
ajagá asigá.



'Lige simíbale 'lige sebasá bile tábiri
ujchele alé resoquí yochi
napu 'yérigame nile,
machináliga pala ta'wesi
i'pura yochi. 'Lige
sontáloka abajá
a'réleru tebuka.



Napu' lige simírasa alué rawé
resíbilichi pe kulí rajpé siné
che'limechi romíkichi, alué
María Magalena anilime
'lige uchéchigo bilé
María, 'mi ewachi
simíbale e'nemia.
'Lige yati neraga
nokale gawí.



'Lige bilé santo ánjeli Onorúgame
'yuga nóchame re'kínale 'pákana
rewagáchika, 'lige alé ewachi
sebasa 'ma bujele rejté
alé yochi ajtígame,
'lige amoba rejtechi
asíbale. 'Lige alué
sontalo, alué Esusi
tebúkame, 'ma

'áwale majaga.
'Lige napurigá
suwígame
alarigá bi'tíbale.



'Lige alué santo ánjeli anele alué
umugí: — Tase majawa, neka 'la
machí 'emi Esusi 'yaga
e'yenio, alué napu
gulusichi ujchigá
me'lílrige.



Alueka pecha bo'íkó jena, alueka
'ma uchéchigo narélekuru a'walí
napurigá ku ajagá asimela
jena wijchimoba, napurigá
bo'né anílige 'ya. Aka
jeka simáwabala
e'newa napu
bo'ílige.



'Liko alué umugí yati ku simíbale asíriga
iwégame napurigá majame neraga,
'lige 'we ra'sálagá e'yénale. 'Lige
asíriga iwégame júmale ra'íchali
ruyemia alué oyérame.



'Lige 'ma e'yénale napu'lige Esusi
ma'chínale alemi napu e'yénilige
alué umugí, 'lige Esusi repórale
alué umugí. 'Lige alué umugika
a'bé nawile alué Esusi asíriga
'la neraga gomurule
chajpáchigana.



A' kinana alué makué bilé rió Esusi 'yuga járome go'yá mochile, 'lige alemi ma' chiná ilíbale Esusi napu'lige go'yá mochígichi mésachi. 'Lige Esusi a'wágame ne'óchale alué makué bilé rió tabilé bijchígiligame ku ajániligo Esusi, napu'lige regá anésiga abé 'yabé uché jaré ralámulite: «Eteru ramué Esusi, ku ajánale.» Napu'lige alué Esusi suwénasa ra'icha alué 'yuga járome si, Onorúgame rewagachi o'tole Esusi. Alé sebasá, wajtoná asíbale Onorúgame ajtígichi.



Onorúgameka
'we galele ralámuli,
alekeri bo'né bi'lepi Inolá júlale
napurigá alué 'símala ralámuli gu'iria.
Suwábaga ralámuli napu ekí 'la
Onorúgame Inolá oyérame ju, alueka
tabilé simámili júkuru injiérnochi.
Alueka 'pa rewagachi
simámili júkuru
ejperélimia
nabí.



Romanos 3:23

Suwábaga ralámuli tabilé 'la bijchiá 'la bi'wígame
alawégame ju, 'lige tabilé sébali olame ju napu
Onorúgame najkí.

Romanos 6:23

Alué ralámuli napu tabilé e'weme ju Onorúgame 'lige cha
nokame, alueka tabilé Onorúgame oyérame níkala jena
wijchimoba mochiga nibilé napu'lige suwisá, tabilé
moinámala rewagachi. Onorúgameka 'la gatele napurigá
ralámuli 'la Onorúgame oyéramala jena wijchimoba 'lige
napurigá 'pa rewagachi moinámala ejperélimia napu'lige
suwisá Wa'lula Kristo Esusi 'yuga.

Hebreos 9:27

Bilé ralámulika pe si'nepi mukume júkuru, 'lige a'kinana
Onorúgame 'ma gastigárimala, ta bi'wígame alawégame
nísaká alué ralámuli.



Efesios 2:8,9

Onorúgame a'walílate 'we 'la buyale 'emi alé chátiri bowechi napugiti 'we 'la bijchígiligame 'emi 'we 'la nejkúrime ko Onorúgame. Tase 'emi a'boi gayénale buyá alé chátiri bowechi, pe Onorúgame 'sile 'emi buyana.

Pecha 'emi a'boi nochálila gite buyale ko 'emi alé chátiri bowechi, alekeri tabilé 'wesi riólame niwa 'emi.

Romanos 10:9,10

'Liko 'emi 'we 'la ruyésaká uché jaré ralámuli alué Esusi Wa'lula ko ramué nuleme, 'lige aminami 'emi 'la bijchígisa Onorúgame 'síligo ajalí 'ya alué Esusi napu'lige mukusá, 'liko 'emi 'la bi'wimela alawala a'lige yati 'la bijchígisa 'lige 'la rewagachi simámala 'emi napu'lige suwisá. Napu'lige 'la bijchígisiga napu aní Onorúgame nila ra'íchali 'liko Onorúgame 'la ra'sálagá etémala ramué. Ramué 'la bijchígisiga Wa'lula ko Esusi ramué nuleme, 'lige ramué ra'ichálilate e'kali tánilime ju Onorúgame, 'lige 'la bi'wiame ju ramué alawala 'lige 'la rewagachi moinawa.



San Juan 3:16,17

Onorúgameka 'we galele ralámuli, alekeri bo'né bi'lepi
Inolá júlale napurigá alué 'símala ralámuli gu'iria.
Suwábaga ralámuli napu ekí 'la Onorúgame Inolá oyérame
ju, alueka tabilé simámili júkuru injiérnochi. Alueka 'pa
rewagachi simámili júkuru ejperélimia nabí. Onorúgameka
pecha júlalekó bo'né Inolá napurigá 'légana injiérnochi
julámala ralámuli. Alueka júlale napurigá buinámala
ralámuli chátiri bowechi.



1 Juan 5:11-13

Regá ju napu 'sile Onorúgame napurigá 'la machiboa ye 'la bijchiá ko: Onorúgame bo'né alawala nejíturu napurigá ejperéliwa jena wijchimoba napurigá najkí Onorúgame. Ralámuli napu ekí 'la oyérame ju Onorúgame Inolá, alueka 'la alawégame júkuru Onorúgame Alawala napurigá ejperélamala napurigá najkí Onorúgame. Ralámuli tabilé oyérameka Onorúgame Inolá, alueka tabilé alawégame ju Onorúgame Alawala. Ye osilí oséguru ne 'emi napu ekí Onorúgame Inolá oyérame ju napurigá 'la machimela 'emi a'boi 'la Onorúgame 'yuga ejperélimio 'emi senibí.



San Mateo 26-28; San Lucas 22-24;
San Juan 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Tarahumara Western NT (tac) © 2008, Wycliffe Bible
Translators, Inc. All rights reserved.

<https://live.bible.is/bible/TACPBC/MAT/1>

©2025 Bible for Children, Inc.

www.M1914.org

www.bibleforchildren.org

